

Landesbibliothek Oldenburg

Digitalisierung von Drucken

Titelblatt

Plattdeutsch und Saterfriesisch



Stefan Meyer

„Holten Hinnerk“ för Heinrich Siefer

Jed Johr an de Geburtsdag van Heinrich Schmidt-Barrien, an'n 19. in'n Januarmaand, ward bekannt geven, well wedder för en Jahr „Besöök“ kriegen deit van de grode norddütsche Schrieverskeerl. Man al 1996 is Heinrich Schmidt-Barrien, de goot plattdüütsch Literatur in all Farven un Tonarten us schunken hett, van us gahn. Sien Wark leevt wieter un dat ok, wieldat de Freundeskreis „Dat Huus op'n Bulten“ jed Johr en Büste ut Holt as Wannerpokal an Lüe un Anstalten vergeven deit, de sik för de plattdüütsch Spraak up besünner Aart un Wies lang maakt hebbt. Siet dat Johr 2000 geiht de Büste van Heinrich Schmidt-Barrien al dör ganz Norddütschland up Tour. Un wat mag de „holten Hinnerk“ in all de Tiet woll belevt hebben? Dat Format „Talk op Platt“, dat Ohnsorg-Theater un Godewind hebbt de Büste al mal kregen. Man ok Ina Müller hett de „holten Hinnerk“ kregen un em en Söten updrückt. Mit de plattdüütsch Hip Hop-Band „De fofftig Penns“ ut Bremen is de Büste ok al mal in de Disco ween.

Man nu ward de Büste in't Johr 2015 woll en beten wat ruhiger Tiet hebben. In'n Januarmaand is de Theologe un Schrieverskerl Heinrich Siefer ut Cloppenburg mit de „Holten Hinnerk“ uttekennt wurn. An'n 7. Märzmaand is de Büste in de St. Georg-Kark in Lilienthal-St. Jürgen in en Fierstünn an em övergeven wurn.

Mit andächtig utsöckt plattdüütsch Wöör un en deepföhlen Art un Wies mit Lüe umtogahn, hett de katholsch Theologe un Schrieverskeerl Heinrich Siefer al veel Lüe röögt. En Hartenssaak is dat jümmers för em, sik as „plattdüütschen Mierke“ dorför intosetten, mit de Spraak en Brügg to de Minschen to boen. En Brüüg, de vör all ok för de olen Lüe weer en Stück Leven trüggbringen deit, wenn Heinrich Siefer sik dorför langmaakt, dat Plattdüütsch besünners in de Utbilln bi de Pleeg van demenzkrank Minschen in en groot Tell stahn mööt.

Studeert hett Heinrich Siefer van 1979 bit 1989 Erziehungswissenschaften un katholske Theologie an de Universität Hannover.

